

## SPORAZUM

### O RJEŠAVANJU PITANJA NADLEŽNOSTI OKO ODRŽAVANJA I NADZORA NAD PUTEVIMA NA PODRUČJU BRČKO DISTRIKTA BIH I RASPODJELE PRIHODA OSTVARENIH IZ OVIH IZVORA

BRČKO, 26. septembar 2001.

Vlada Brčko Distrikta Bosne i Hercegovine

Vlada Federacije Bosne i Hercegovine

Vlada Republike Srpske

Pod pokroviteljstvom zamjenika visokog predstavnika i supervizora za Brčko,  
ambasadora Henry L. Clarke-a

U cilju sprovedbe Konačne arbitražne odluke donešene od strane Međunarodnog arbitražnog tribunala za Brčko, od 05. marta 1999. god. i uspostavljanja Brčko Distrikta Bosne i Hercegovine (u daljem tekstu: Brčko Distrikt) kao jedinstvene administrativne jedinice pod isključivim suverenitetom Bosne i Hercegovine;

Unapređujući Sporazum o razumijevanju, od 19. septembra 2000., i stava 1 Sporazuma o implementaciji entitetskih obaveza iz Konačne arbitražne odluke za Brčko, od 24. oktobra 2000., po kom "svi javni prihodi, osim doprinosa za penziono osiguranje, uključujući, ali ne i ograničavajući se na poreze, doprinose, donacije, novčane kazne, takse i zakupnine od imovine Distrikta naplaćene u Brčko Distriktu ili u ime Brčko Distrikta - jesu imovina Brčko Distrikta".


Strane prihvataju sljedeće:


1. Održavanje i nadzor nad magistralnim putevima koji prolaze kroz Brčko Distrikt, osim 9 km puta M.14.1 u gradskoj zoni između Plazulja i Gredica i 5.4 km puta M.1.8 između Cerika i Porebrica, kao i prihodi koji se ostvaruju iz ovih izvora i dalje ostaju u nadležnosti entiteta.
2. Održavanje i nadzor nad regionalnim i lokalnim putevima na području Brčko Distrikta, kao i 9 km magistralnog puta M.14.1 između Plazulja i Gredica i 5.4 km magistralnog puta M.1.8 između Cerika i Porebrica će biti u nadležnosti Vlade Brčko Distrikta, kao i prikupljanje i zadržavanje prihoda koji će se ostvariti po ovom osnovu. Vlada Brčko Distrikta preuzima posebno sljedeće nadležnosti:


- odobrenja za postavljanje natpisa pored gore pomenutih puteva
- dozvola za prevoz robe velikih gabarita
- saglasnost za povezivanje prilaznih puteva sa gore pomenutim putevima
- saglasnost za postavljanje cjevovoda, kablova, vodoinstalacija i izgradnju objekata u zaštitnom pojasu puta
- saglasnost za izgradnju parkirališta
- saglasnost za izvođenje radova na gore pomenutim putevima
- planiranje, ugovaranje i finansiranje održavanja, zaštite i sanacije puteva
- sve druge nadležnosti neophodne za implementaciju stava 2 ovog Sporazuma


3. Sve strane se slažu da je zaobilaznica oko grada Brčkog neophodna kao i da će pregovori oko zajedničkog finansiranja zaobilaznice započeti najkasnije do 31. decembra 2001. godine.

4. Sve strane se slažu da se ovaj sporazum odmah sprovede.

  
 \_\_\_\_\_  
 Gradonačelnik Šifriša Kisić, Vlada Brčko Distrikta

  
 \_\_\_\_\_  
 Gdin Besim Mehmedić, Ministar prometa i komunikacija, Federacija BiH

  
 \_\_\_\_\_  
 Gdin Miroslav Čičić, pomoćnik ministra, Ministarstvo saobraćaja i veza  
 Republika Srpska

  
 \_\_\_\_\_  
 Gdin Gerhard Sontheim, zamjenik šefa OHR-a Sjever